

09.03 MARELLA

A chaval sur las Alps – sin ils fastizs dal Currier da Lindau



Indesch chavaltgadras e chavaltgaders èn sa mess l'emna passada cun lur manader da tura, l'Engiadinais Men Juon, sin in viadi tut spezial: Traversar las Alps a chaval. Lur aventura moderna als maina dentant sin fastizs istorics, sin ils fastizs dal Currier da Lindau. Cun posta e martganza fascheva quel durant plirs tschientanners emna per emna la tura da Lindau sur las Alps a Milaun ed enavos. Ils curriers istorics faschevan tut il traject en 5 dis e mez. Lur collegas moderns èn en viadi set dis en in mund che n'è betg pli adattà per viagiar a chaval. La «Marella» è sa messa en sella per accumpagnar la grappa sin ina part da lur aventura tranter istorgia e moderna, sendas istoricas ed autostradas.

Redacziun: Isabelle Jaeger